



Bájkkeavijssa NuorttaSálto

LAN Ájluovtan dálvveloaben

Tæksta: Kitty Skapalen
Järggálibme: Divte Media AS

Vidát gierde nuora Ájluovtan VinterLAN:av ásadi. Dáhtáspella, bállotjektjamgilpos ja ietja gilppusa idja-biejvve.

Doajmmajuogos DragLAN le ásadibme mij dán jage tjadádúvvá dijstagas duorastahkaj snjuktjamáno 10. - 12. biejvijjn. Nav gák ávddála sebrudakgoaden Ájluovtan dáhpádúvvá, dálvveloabevahko. Dákkir ásadime li dábe sjaddam lándav birra, biejadam jur skávláida dálvvelábijn. Juohkka oassálasste válddá mañen ietjas dáhtámasijjnáv ja tjanádúvvá nuppijda, nubbe nuppijn spellat, internehtan surffit, fiylajt juogatjit ja ájn ienep. Valla e dássju dáhtá birra tjáhkana.

Moadda spela

- Miján le aj bállotjektjamgilpos lásjmudallamlanján ja moadda ietjá gilppusa, javllá Magnus Paulsen. Sån le aktan Thorstein Solstrømajn dá jage oajvveásadiddje VinterLAN:as.
- Dá jage lip ádá teknihkalasj vædtsagijt oasstám ja miján li ienep saje. Sadje le 60 oassálasstijda ja máhttep stuoredit jus le dárbbbo. Budsjehtav aj gærdodip ásadimev

bærrággátsátjit, javllá sån. Sunnu siegen gietjas iehtjáda viehkedi teknihkalasj ásiñ. Dijmmá lidjin badjelasj 50 oassálasste ja dá jage sávvi ádá rekordav, Nuortta-Sálto stuorámus LAN:an.

Báhtja ieneplogon

Tjáledibme le álggám ja juo li 35 oassálasste. Ienemus oasse li báhtja Nuortta-Sálto guovlos, valla aj ulmutja Narvijkas ja Bådádjos. Muhtijn li galla næjtso, valla gási gáhtu?

- Moadda báhtja ájggu oassálasstet, valla gånå li næjtso?

- Vuorddep sijáv, javlli sluohkasit. Dábálatjtat báhti, valla e tjáledahte ávddálgiehtaj. Nágina PC:av mañen válddi, valla e gájka.

VinterLAN le dagu ávddála ásadibme gási ulmutja navku bessi, ja dárjadúvvá almulasjvuodas. Sihke Sparebanken Narvik ja Divtasvuona suohkan li doarjjam. Jus 10. klássav váttásá jali vuorrasabbo le

de besa oassálasstet ja náv le aj gæhttijj gáktuj.


- Goassa le ájggemierre tjáledahttet?

- Le máhttelis tjáledahttet desik ásadibme álggá, ja jus soajttá lissta le dievas de le máhttelis duoddebievdev tsieggit, javllá Simon Paulsen, guhti aktan Johnny Andersenijn lij oajvveásadiddje ávdep jagijn.

Ásadiddijn le sierra næhttabielle, www.draglan.net. Dánna gávna sihke tjáledimsjiemáv, njuolgadusájt, rustiklistav ja állo diedov sihke oassálasstijda ja gæhttijjda.

Ja dajda gudi ettijn ávddála diede; LAN mierkki Local Area Network.

Dáhtáávuodallam. Magnus Paulsen ja Thorstein Solstrøm gæhttjoba vidát VinterLAN:aj Ájluovtan snjuktjamáno nuppát vahko.
DATAPARTY. Magnus Paulsen og Thorstein Solstrøm inviterer til den femte VinterLan på Drag i mars.



LAN Ájluovtan 2004
Gávva: Sander Andersen